

27
28

DISSERTATIO MEDICA
INAUGURALIS,
D'E

ERRORIBUS LOCI,

QUAM

ANNUENTE DEO TER OPT. MAX.

Ex Auctoritate MAGNIFICI RECTORIS

D. JO. NIC. SEB. ALLAMAND,

A. L. M. AC PHIL. DOCT. PHILOSOPHIAE ET MATHESEOS
IN ACAD. LUGD. BAT. PROFESSORIS ORDINARI,

NEC NON

Amplissimi SENATUS ACADEMICI Consensu, & *Nobilissimae*

FACULTATIS MEDICAE Decreto,

PRO GRADU DOCTORATUS,

Summisque in MEDICINA Honoribus, & Privilegiis rite ac legitime
consequendis,

Eruditorum Examini submittit

ABRAHAMUS VAN OVEN,

HAGA BATAVUS.

Ad diem 14. Decembris 1759. hora decima loco solite.



LUGDUNI BATAVORUM Apud GERARDUM POTVLIET.

V I R O

ERUDITISSIMO LITTERATISSIMO,

D. NOACHO SAMUELI
VAN OVEN,

IN BRITANNORUM METROPOLI CIVITA-
TE FREQUENTISSIMA LONDINENSI
MERCATORI VIGILANTISSIMO, PA-
TRUO SUO EXOPTATISSIMO, OM-
NIGENO HONORIS CULTU AD
ROGUM USQUE COLENDO.

*Hæc Studiorum Acade-
micorum primitias
Consecrat*

ABRAHAMUS VAN OVEN.

Handwritten text at the top of the page, possibly a title or header.

Second line of handwritten text, appearing as a subtitle or introductory phrase.

Third line of handwritten text, continuing the narrative or list.

Large, bold, stylized handwritten characters, possibly a name or a significant heading.

Fourth line of handwritten text, starting a new section or paragraph.

Fifth line of handwritten text, continuing the content.

Sixth line of handwritten text, continuing the content.

Seventh line of handwritten text, continuing the content.

Eighth line of handwritten text, continuing the content.

Ninth line of handwritten text, continuing the content.

Tenth line of handwritten text, continuing the content.

Eleventh line of handwritten text, continuing the content.

Twelfth line of handwritten text, continuing the content.

Thirteenth line of handwritten text, continuing the content.

Fourteenth line of handwritten text, continuing the content.

Fifteenth line of handwritten text, continuing the content.

Sixteenth line of handwritten text, continuing the content.

Seventeenth line of handwritten text, continuing the content.

Eighteenth line of handwritten text, continuing the content.

Nineteenth line of handwritten text, continuing the content.

Twentieth line of handwritten text, continuing the content.

Twenty-first line of handwritten text, continuing the content.

Twenty-second line of handwritten text, continuing the content.

Twenty-third line of handwritten text, continuing the content.

Twenty-fourth line of handwritten text, continuing the content.


Twenty-fifth line of handwritten text, continuing the content.

Twenty-sixth line of handwritten text, continuing the content.

Twenty-seventh line of handwritten text, continuing the content.



PROÆMIUM

 *ui Miracula Dei recte considerare vult, qui Divini Numinis artificia, haud imitabilia, captum humanum superantia, scrutari studet, cui, inquam animus est, res adeo pretiosas, serio contemplari, iste non faciat longinqua itinera, huic non opus vastis evolvendis libris; solum humani organi Theorema ei sufficiet; solum Oraculi Delphini adagium (Secundum sensum litterarum) nosce te ipsum, aviditati curiosi satis faciet, & haud dubitans cum Jobe (a): in carne mea videbo Deum, exclamabit. Hinc sapientissima Antiquitas, non inepte, hominis structuram, μικροκοσμον, seu mundum parvum vocabat, considerans quippe, non solum ad opificium curiosissimum æquiparans Telluri, quoad partes ejus solidas, sed manifestius, quoad fluidas: quemadmodum enim in hoc terrarum orbe, omnia fluida, Maria, aliave flumina, suis in locis coërcentur, providentia Divina; efato ipsius Dei, in Libro supra memorato, (b) hisce verbis: quis conclusit ostiis Mare, quando erumpat, quasi*

(a) Job Cap. xix. vs. xxvi. (b) ibidem Cap. xxxviii. vs. viii. & seq.

P R O Æ M I U M.

si de Vulva procedens? quum componerem nubem Vestimentum ejus, & caligine illud, quasi fasciis involverem, circum dedi illud terminis meis, posui veſtem, & ostia, & dixi: usque huc venies & non procedes amplius, & hic confringes tumentes fluctus tuos &c. Ubi autem, Jussu Divino, extra suos aggeres erumpunt, quam dira mala inde oriuntur, proh Dolor! quales perniciēs passi sunt exundatione aquarum Littoris incolæ? quoties istis flante vento rapido, totalis intenduntur ruinæ minæ: Pari pacto accidit in corpore humano, quamdiu, humores ibi proprii, in propriis Canalibus continentur, non extra limites egrediuntur tamdiu florent partes constituentes, viget homo, & sanitate fruatur; ubi autem accidit, ut extra alveolos, præter naturam percurrant, & per alienas vias vebantur, ecce! omnes functiones perturbantur, imo, quod dolendum, aliquando tota Machina inde destruitur.

His perpensis, hanc materiem breviter percurrere ratum duxi, materies sane in arte Æsculapiadea altioris indaginis! sed sat prolixè alibi industriâ celeberrimorum virorum exarata est. Ego, tantummodo Laureolam acquirens medicinalem, laudatissimo Inclytæ hujus Academiæ mori, satis facere, sum conatus.

Unicum hoc addo, falleris Lector benevole, si quid novi à me exspectas, nil novi ad feram, omnia fere, quæ in venies, celeberrimis in arte viris, debeo, & tam libris excerpta, quam oribus absorpta sunt.

DISSERTATIO MEDICA
INAUGURALIS
DE
ERRORIBUS LOCI.



CAPUT PRIMUM.

Explicatio Errorum loci in genera, & Definitio.

§. I.




Corpus humanum ex partibus fluidis æque, ac solidis, (c) (d). conflatum esse, cuique Studiis Medicis incumbenti notissimum; utræque partes Errores loci pati posse, neminem, credo, inficias iturum. Errores loci solidorum, ne egrediamur extra limites, consulto prætermittimus: præsertim, dum perpolite tractati sunt, à clarissimis Viris (e) inter quos non infimi subsellii est celeberrimus GAUBIUS, præceptor meus ad ultimum halitum Venerandus) Errores loci autem fluidorum, aut strictius humorum (solus addendus aër, quem potius fluidum, quam humorem dicis) nostrum est tractare.

§. II. Hi Errores multis veteribus non innotuere, ut GALENO, ejusve affectis, contendentibus, quia humores non sunt stabiles in corpore humano, hinc id genus malorum, quasi pendens à stabilitate quoque non posse existere; HIPPOCRATES & CELSUS eos tamen observabant, in Hydropum speciebus, ubi Lympha aberrat, (f) Magnus BOERHAVE, ut fere totam Medicinam, sic etiam hos in apricum duxit, (g) quos glossa sua

(c) Heister. compend. Anat. §. 22. & seqq. (d) BOERHAVE institut. §. 39.
(e) GAUBII introduct. ad Patholog. §. 256. (f) BOERHAVE in institut. §. 732.
& aphorif. Cap. de obstructione. (g) in Comment. ad aphorif. ibidem.

suâ Celeb. VAN SWIETEN magis illustravit, (b) & non minus eos Cl. GAUBIUS dilucidavit.

§. III. In Definitione utor verbis Cl. GAUBII scilicet (i) *quod humores non suo, sed alieno loco sint*, qui humores vel sunt sani sola mutatione loci morbofi redditi, vel morbofi, hoc vitio magis morbofi facti; dilucidioris ordinis gratia, coacti sumus eos subdividere.



CAPUT SECUNDUM.

Variae Species Errorum Loci.

§. IV. **P**rimo nobis occurrit (l) Error fluentium, est nempe, dum humor e suis in aliena vasa detrusus, hæc permeat tanquam in sua propria, & ad fines perducit; hicce Error, dum ad huc solus est in humore per se sano, nullo obstructionis, stagnationis, effusionis vitio stipatus, præter incommoda raro, morbum periculosum creat; accidit hicce Error multoties in hominibus, valide motum muscularem exercentibus, in iis tunc nascitur agitatio justo major, humores rarefiunt, & in vasa minora crassior pars sanguinis defertur, clarè vidimus tunc hæc vasa prius invisibilia illico rubore translucentia: ubi autem rursum hi quiescunt, Elater horum vasorum se restituit, humor alienus mox foras expellitur, & colorem adipiscuntur naturalem: in animi pathematibus, per spasmodicam contractionem subito pallent homines, præsertim sexus sequior, quæ phænomena animâ sedatâ evanescunt. His periculosius, si talis Error in bile accidit, (m) ubi hepar infarctum est pressio pede sequitur icterus, nempe diffusio bilis ad habitum Corporis, quæ omnes partes haud exceptis oculis, flavo afficiuntur colore. Si renes haud sua obeant munia, & sufflammentur lotium, saliva, mucus gastricus, & intestinalis, non secus, ac alii humores urinam redolent, omnium autem periculosissimus, si mate-
ries

(b) in introduct. §. 397. ad 405. (i) ibid. §. 398. (l) ibid. §. 399.
(m) Lieutaud. Elem. physiolog. sec. prim. pag. 55.

ries morbosa, alicubi stagnans rapitur in communes circuitus vias. E. g. (n) Materies Podagrica, quæ fixa est ad articulos, ubi rapitur in massam sanguineam, tetros efficit morbos, sic Cl. BOERHAVE loquitur: apoplexias, paralyses, deliria, debilitates, sopores, tremores, convulsiones universales. si in cerebrum introivit; Asthma, tussim, suffocationem, si in pulmones; pleuritidem sævam convulsivam, si in intercostalia & pleuram; Nauseas, anxietates, vomitus, ructus, tormina, spasmos vasorum, si in viscera abdominalia, & ita incredibile, quod morbos creat, sæpe subito lethales (o). Bilis atra turgens hujus farinae est, quæ dira producit mala numerata a laudato Authore.

§. V. Secundo non minoris momenti est Error impactorum, aut obstructorum, hic humor triplici peccat vitio aberrationis, stagnationis, ac obstructionis, dum per ostium dilatatum, in vas alienum ingressus est, ad finem naturaliter angustiores, aut per spasmum magis contractum, permeare non potest, ubi mora, & calore stagnat, ergo vas obstruit, liquori a tergo urgenti viam impedit, inflammationes producit omnigenas, secundum naturam vasorum obstructorum, & liquorum obstruentium, (p) quum has ritè pertractavit immortalis BOERHAVE, hisce diutius incumbere superfluum esset.

§. VI. Tertio valde memorabilis est Error excretorum vel secretorum, cui duplex est species: prima, nempe, dum materies utilis usui corporis destinata foras emanet; talis error maximo detrimento Corpori est, quoniam privatur humore necessario; ut in hæmoptysi, hæmorrhagia narium, dysenteria, mensium fluxione immodica, mictu cruento, ubi sanguis sanus excreatur; in diarrhæa, lienteria, affectione cæliaca, sudore nimio, gonorrhæa, fluore albo corpus orbatur utilissimis liquoribus. Altera species minus periculosa consistit, dum humor secernendus, non per proprium emunctorium, sed per alienum repurgatur; tales clare vidimus in mensium ob-

(n) BOERHAVE aphorif. §. 1273. (o) ibid. §. 1104. (p) in aphorif. Cap. de obstruct.

obstructione, præsertim in virginibus testante Hippocrate, (q) sic sudoris ad instar, nullo tamen solutæ co hæ sionis indicio sanguinem menstruosum ex toto corpore vidit Cl. GAU-
BIUS; Inde in (r) vomitum, & diarrhæam (s) cruentam mu-
lieres incidisse notant celeberrimi authores (t); (u) in icte-
ro ubique bilis excernitur, ut saliva in nonnullis amaritiem
quamdam contrahat. Urina plus æquo saturata, & obscure
flavescens emittitur adeo, ut linteaminibus immersis croceum
colorem impertiatur. Pari pacto accidit in lotii suppressione,
ubi omnes humores urinam redolent (x). In Ileo vidimus
rejectionem violentam per os eorum, quæ cibi, potûs, me-
dicamenti titulo assumptæ sunt; aut chyli, bilis, feri stoma-
chici, pancreatici, intestinalis, bilis atræ, muci, puris, icho-
ris, fæcum intestinalium, clysmatum ipsorum. Sic novi virum
nobilem, qui per multos annos omnia ingesta per os reddebat, nul-
latenus per alvum egerebat, & quod mirandum, sanissimus erat.
§. VII. Quarto annumerandus Error effusorum, ubi vas rum-
pitur, humor in eo collectus in interstitia delabitur ibi stagnat,
qui latiore sensu vocatur *Exχυμασις*. Si Lymphæ hoc accidit,
variæ inde oriuntur hydropum species, postea explicandæ.



CAPUT TERTIUM

Humores Errores Loci Subeuntes.

§. VIII. Sane nullus humor corporis humani horum errorum
est expers, inter quos principem locum sibi vindi-
cat sanguis; humor catholicus iste, dum ubique in corpore fere
residet, omnium errorum loci genera patitur, nam in hominibus
validè motum muscularem exercentibus, in animi pathemati-
bus vidimus Errorem fluentium (z), supra descriptum (a), si
in

(q) de Morb. mulier. (r) Stalpert van der Wielen observ. xvii. cent.
post. (s) GALENUS de locis affectis ultim. cap. (t) J. Freind. in Emme-
nologia, passim in ephemeridi natur. curioso. (u) Lieutaud. Elem. physio-
log. pag. 55. (x) BOERHAVE institut. §. 816. (z) §. 4. (a) BOERHAVE
aphor. §. 118.

in arteriosis serosis flavis in os dilatatum ad basin Canalis conici-
ruit; corpusculum finem longe angustiores tranare non potens,
vas obstruitur, rubra oritur inflammatio (b), tollerat igitur Er-
rorem secundi generis (c) clarè liquet (d), talis error in inflam-
matione vasorum subtilissimorum tunicæ adnatæ oculi. Non
minus subit errorem effusorum (e), rupto enim vase quomo-
docunque (f) per *ανατομωσιν*, *διαπηδησιν*, vel *διαρρεσιν* humor col-
ligitur in interstitiis, a distensione factis inter partes solidas
corporis (g), pertinent huc tumores inflammatorii exanthema-
ta, hæmorrhagia interna, aneurisma verum, varix, sugillatio,
aneurisma Spurium *Εκχυμωσις*, secretorum Errorem fert in mictu,
cruento, ubi loco urinæ sanguis mingitur, dilatatis vasis uro-
phoris (h), in hæmoptysi exit sanguis plerumque floridus hoc
vitio peccans dilatatis vasis pulmonalibus, aut ruptis; idem in
vomitu cruento dysenteria, ubi cruor excernitur, sudor cruen-
tus nonnunquam visus est (i); sæpe numero loco lactis ef-
fluit (l); imo (m) loco spermatis in ipso tempore coitus nisi
merum sanguinem effluxisse memorant Authores. Sic quoque
alteram speciem erroris excretorum perpetitur in mensium
aberrationibus, est enim secernendus per vasa uterina, ut va-
ria Exempla docent apud Authores (n) (o) (p) (q) descrip-
ta, unde illud HIPPOCRATI (r), *Mulieris sanguinem evomit,*
menstruis erumpentibus vomendi finis; iis, qui habent fluxum
periodicum per vasa hæmorrhoidalia, si talis fluxus sistitur,
nascitur aliquando mictus cruentus.

§. IX. Serum aberrat (s), si in Lymphaticis arteriosis di-
latatis finem longè angustiores tranare non potest, talis ab-
erratio videnda in Erysipelate, aut rupto vase alterum genus
Ecchymoseos parit, ac iisdem erroribus ac sanguis subje-
ctum est.

§. X. Et si

(b) GAUBII introduct. §. 103. (c) §. 5. (d) van SWIETEN in comment. ad
aphor. Capit. de obstruct. (e) §. 7. (f) BOERHAVE institut. 732-2.
(g) GAUBII introduct. §. 403. (h) BOERHAVE aphor. §. 1199. (i) de le
Boe Sylvius Lib. 3. Cap. x. §. xxviii. (l) Sennertus. (m) R. TOBIAS in
opera Medica Hebraicè pag. 114. (n) RUISCHII in adversariis. (o) Amat.
Lusitani centur. II. cur. XXI. (p) dodonæi Libr. xv. (q) River. Lib. xv.
(r) Lib. v. aphor. xxii. (s) BOERHAV. aphor. §. 122.

§. X. Etsi Lympha humor subtilissimus, si non præter naturam est rarefactus, non videatur hocce vitio peccare posse, quia non invenit vasa minora, attamen Erroribus §. 6, 7. descriptis non est immunis, rupto enim vase, aut foras effluit, aut (t), œdema, pustulas, leucophlegmatiam totius membranæ cellulosæ, hydropes capitis, thoracis, abdominis, uteri, ovarii, testium, scroti, peritonæi creat.

§. XI. Lochia suppressa aberrant sæpissime, a quibus omnia phænomena, ut in mensruis aberrantibus, aliquando horrenda creant symptomata.

§. XII. Urina in ischuria suppressa Errores Loci patitur, & per totum systema circulationis vehitur, ut omnes humores suo odore inquinat; sic narravit nobis Celeb. GAUBIUS in suis annuis exercitationibus pathologicis, se vidisse exemplum ischuriæ pertinacis, ubi urinâ per Diarrhæam effluebat.

§. XIII. Ipsum lac ab errare confirmat (u) Cl. BOERHAVE hisce verbis: dum fluit ab uteri vasis restrictis in mammas pabulum ferosum Lacteum, febricula exoritur, qua orte sæpe lochia omnino retinentur unde infinita, & pessima indolis symptomata; pro ut in hoc illudve viscus rapiuntur, hinc phrenitides, pleuritides, anginæ, paraphrenitides, mammarum inflammationes, peior hepatis, ventriculi, omenti, mesenterii, Lienis, renum, intestinorum, tum Dysenteria, colica, illiaca, apoplexia, paralyfes, & multiplex sane mali species.

§. XIV. Neminem credo dubitare, quin bilis utraque cystica & hepatica hoc vitio inficiatur, exemplo esto in ictero, ubi totum corpus nec oculis exceptis cineritium adipiscitur colorem; Bilis rejectio aliquando per inferiora, & superiora facta nota est.

§. XV. Ipse chylus nonnunquam non ad vasa lactea deferitur sed una cum fæcibus alvinis ejicitur, ut in affectione cæliaca.

§. XVI. Materies perspirabilis, & sudor non minus, quam cæteri humores hos errores ferunt; neminem fugit per frigus susceptum, eorum excretiones perturbari, & alias tunc ipsis quærere vias.

§. XVII.

(t) BOERHAV. institut. §. 732. (u) aphor. §. 1329.

§. XVII. Loco peccare posse salivam & mucum, si in asperam arteriam deferantur (x) affirmat *de la Boë Syluius*.

§. XVIII. Imo adeps hisce erroribus obnoxius est testante Ruyschio, ubi exemplum adfert, de Equo valido cursu mortuo, cui aperto abdomine stupenda copia pinguedinis liquefacta in cavo abdominis erat in venta.

§. XIX. Humor (z) corruptus, pus, ichor, sanies, materies morbofa cruda, ac cocta multoties aberrant, quod aliquando salutare est per *metastases* benignas; sic pleuritidi laborantes, si nascuntur iis abcessus ad aures, vel ad erura liberantur; virus variolosum per contagium susceptum, & sanguini mixtum, febre incitata ad cutis superficiem depellitur, quandoque noxias inferunt, dum ad nobiles partes ruit materies morbofa, præsertim, si cerebrum petit. Exemplum memoratu dignum legitur in actis parisiensium fœminæ cujusdam, cui subito ambo deciderant brachia quasi per sphacelum, solummodo per humorem corruptum huc translatus.

§. XX. Quin (a) & aër his erroribus maxime est deditus, aër, dum summopere est necessarius vitæ nostræ, in corpore suos privatos habet canales, quos naturaliter permeat: dum autem alios ingreditur, & rarefcit, multas Emphysematis species generat; aliquando ad totum corporis habitum, in membrana cellulosa valde distensibili Tympanitidem causat; quoniam humoribus intermixtus est, ubi pressio Atmosphæræ desit, sui compos fit, sui juris facit, se expandere in molem immanem, & tunc tumores, colicam flatulentam profert.



C A P U T Q U A R T U M.

Causæ proximæ, ac remotæ Errores loci producentes.

§. XXI. Innumerabiles sunt causæ, quæ dictos errores producere possunt, præcipuæ tamen memorandæ sunt. Causæ a Pathologicis; in proximas ac remotas dividuntur, de primis primo agendum.

§. XXII.

(x) de Method. meden. Lib. I. cap. IX. §. 24, 25. (z) GAUDII introducti. § 403. (a) ibid.

§. XXII. Inter has se præfert vitium quoddam in solidis natum, (b) quod *αναστροφis* audit, quod sit ostii admittentis aut emittentis immodica laxatio; hæc sola errores omni varios generat, dum justo laxior est, aut plus, aut aliud quid, quam lex sanitatis exigit, introat, exeatve.

§. XXIII. Excitantur hi Errores vitio altero, quod (c) *Διαπυθσις* sonat, quando fibræ vasorum membranaceæ ita divelluntur, ut interstitia hiantia nascantur, quæ transfudant humorem continendum.

§. XXIV. His etiam ansam præbet tertium vitium (d) *Διαίρεσις* græce, est vera solutio continui, a quacunque causa orta, eosdem præstant effectus.

§. XXV. Causæ remotæ dividuntur in causas internas, vel Externas, internæ vel vitium est in continentibus, vel in contentis, in fluidis, aut in solidis, vel in his simul.

§. XXVI. In continentibus, si solida sunt laxa (e), flaccida vi minori ultra modum se extenduntur, aut dilatantur; si fibræ sunt tenues, graciles, ut citius, quam per est, rumpantur.

§. XXVII. In contentis, nimirum, dum fluida peccant quantitate, ut vasa ultra modum distendantur, rumpantur, uti est *πληθυσμία* (f) plethora vera seu boni humoris ea abundantia, quam systema sanitatis ferre nequeat, (g) hinc arteriarum dilatatio tam sanguiferarum quam Lymphaticarum; plethora ad spatium, imminuta capacitas systematis circulatorii, haud pariter imminuta quantitas sanguinis; idem, dum peccat qualitate, si rarefiunt, oritur plethora apparens molem veluti auctam mentiens dum nimis sunt tenues solutæ, ut aptiores sint intrare aliena loca (h), acritate, si in quinuntur parietes & ostia vasorum corrodunt, oritur *διαβροσις*, seu erosio.

§. XXVIII. In his simul concurrentibus causis descriptis (i), causæ externæ commodè ad quatuor classes referantur, ut sunt ingesta; gesta, retenta ac applicata externæ.

§. XXIX. Ingesta comprehendit aërem, cibum, potum, medicamentum ac venenum. α. L.

(b) GAUBII introduct. §. 203, II. (c) BOERHAV. institut. §. 707. (d) idem ibid. (e) GAUBII introduct. §. 160. (f) ibid. §. 387. (g) BOERHAV. aphor. §. 106. (h) GAUBII introduct. §. 206. (i) §. 26 ac 27.

α. (l) aër, quem semper inspiramus, si nimis est æstuans, corpus calefacit, humores dissolvit, rarefacit, eorum circulationem adauget, ergo nascitur plethora spuria dicta, e contrario solida debilitat, vasa minora aperit, unde humorum multiplex ab erratio; si nimis est ficcus, eadem fere patrat. Si solito est frigidior solida contrahit cava canalium arctat, hinc contentis spatium solitum minuit, plethoram igitur ad spatium, & ejus sequelam profert, fluida versus alia loca determinat. Si idem nimium humidus, laxat solida, inertia reddit, humoribus colluviem ferofam infert, & inde pendentia mala, eo magis, si calore comitatus est. Nonnunquam miasmatibus inquinatus est, & in corporibus vi veneni agit.

β. Cibus & potus quantitate peccant, si ingeruntur multa eâ qualitate, ut laudabilem chylum, bonum nutrimentum præbent plethoram veram causant; si ventriculus nimis sit infarctus, per superiora dejiciuntur, generat tunc errorem excretorum, si copia ingestorum minor est, quam vitæ, ac sanitatis ratio postulat humores acres fiunt, solida destruunt, si qualitate peccant, ut sunt calefacientia stimulantia, quemadmodum sunt omnia aromatica, vina generosa, spirituosas, humores calefaciendo rarefaciunt unde plethora ad volumen; si acrimoniâ, viscositate vel oleositate donati sint, cum humoribus has participiant, & eos in hos errores pronos reddunt.

γ. Medicamentorum intempestivus, non idoneus, vel nimis usus hand parum hic suum symbolum confert seu sunt evacuantia, omnia purgantia, emetica, & taliâ plura, quæ humores tam utiles, quam inutiles huc derivant, qui pejor in evacuationibus criticis, ubi natura ad aliam vergit, seu alterantia, ut attenuantia, resolventia, &c. ut usu nimis salis volatilis oleosi, (m) quidam in hæmorrhagiam narium, vix curabilem inciderit referente THOMA BARTHOLINO.

δ. Venena intus sumta vasa corrodunt veram solutionem continui producant, ansam præbent omnibus erroribus.

§. XXX. Inter gesta pono motum muscularem auctum per (n) quam

(l) BOERHAVE institut. §. 745. (m) in actis hafniensibus. (n) BOERHAVE institut. §. 766.

quamcunque exercitationem corporis in toto corpore, vel in aliqua parte singulari, is auget semper villorum muscularium contractiones, & laxationes reciprocas, simulque velocitatem in omnibus humoribus; hinc fluida & solida nimium attrita dissolvuntur; rarefacti, magnoque impetu propulsi humores, sua vasa ultra modum dilatant, rumpunt; unde errores loci, sacretionum, & exeretionum turbæ nascuntur. Animi pathemata qualiacunque, omnia perturbant, liquida intus, foras depellunt, ut quotidiana docent Exempla, (o) quies nimia solida inertia, hinc ad rupturam prona reddit, plethoram veram inducit. Somni & vigiliæ excessus, quietis & motus vicibus ferè funguntur.

§. XXXI. Retenta si sunt, quæ excerni solent seu naturaliter, vel artifici aliter, multos errores generant, sic quibus in usu est sanguinis missio annua, si negligitur, multa incommoda parit. Obstructâ viâ excretionis humor excernendus per totum corpus circumvagatur, ut supra jam vidimus.

§. XXXII. Externa applicata corpori etiam in culpâ sunt, inter quæ primus est aër, qui continuo nos ambit & atmosphæra audit.

α. Atmosphæra frigida perspirationem perhibet meatus claudit, ad alia loca eam determinat; eadem nimis calida, sua munia exercet nimis laxando, humores solvendo, ut aptiores fiunt vasa aliena intrare; nimis gravida si sit, efficax est in corpore comprimendo, quibus circumfunditur, ergo fluida contenta figit, obstructions parit, hinc plethora ad spatium; levitate si donata est, resistantia continentium ad contenta minuitur, vasorum igitur facilis dilatatio, unde errorum loci varia genera, luculenter apparet hoc in suctione, ubi pars rubet, propter ingressum alieni humoris, ob resistantiam imminutam ab externa parte, sanguis ex scarificata parte longe copiosius extrahitur, si applicantur cucurbitæ.

β. Vapor aquæ calidæ solida admodum laxat, ut liquet & rubedine nata, quia sanguis in aliena vasa intravit.

γ. Me-

(o) Idem aphor. §. 106. γ.

γ. Medicamenta Laxantia resolventia forma fomenti, Balnei, linimenti, unguenti, emplastri ad habita vim suam exercent, vel in hac parte solâ, vel per poros cutis in massam sanguineam resorbta, agent tunc ut ingesta in toto corpore Laxando, resolvendo; idem efficiunt rodentia, caustica & similia.

δ. Omnia (p) instrumenta mechanica secantia, pungentia, ictum inferentia, rodentia, adurentia, distendentia, contundentia, rumpentia, quæ causant præcipuê diæresin.

ε. Hujus farinæ sunt fortis pressio, per vestimenta nimis arctè ligata, pondus incumbens, & omnia, quæ parietes vasorum adeo comprimunt, ut transitus negetur liquidis transferendis, quasi obstruentia in hac parte confer. §. 31.



C A P U T Q U I N T U M.

Diagnosis ac prognosis.

§. XXXIII. **E**narratis causis, ordo exigeret, ut ageremus de effectibus, ast hoc myriadem dum continent totum librum potius, quam Thema Inaugurale postulant nos brevitati studentes; de his denuo repetere inutile judicamus; etenim liquide ex ante dictis apparent.

§. XXXIII. Signa autem Diagnostica, (q) vel hæc, quæ docent presentem conditionem corporis humani, quorum adminiculo Medicus scit, hos errores adesse, facile huic patebunt, qui cognitionem habet omnium effectuum, quos errores loci producant. Facilius ad huc differt inter errores fluentium, impactorum, excretorum utrorumque, ac effusorum, horum qui omnium examissim gnarus est.

§. XXXV. Ex eodem fonte hauriuntur signa prognostica, (r) nempe quando prænuntiant ea, quæ in his futura sunt, adeo enim fecundi sunt aliis producendis morbis, (s) ut hinc fere

(p) BOERHAVI institut. §. 800.
(s) idem §. 734.

(q) idem. §. 876.

(r) ibidem.

fere etiam inter causas morborum recenferi merentur. Qui nunc bene novit eorum proles istarumque eventus, non minus de his sciat prædicendum, an in sanitatem, alium morbum, vel mortem tendant.

§. XXXVI. Memoratu tamen dignum, quod hi errores non semper in detrimentum generis humani vergant: E contrario quandoque summa auxiliante natura, hominem a malo suo liberant, ut videndum in criticis evacuationibus, ideo Medicos naturæ ministros monitos vult Divus senex HIPPOCRATES ne has turbeant: dum dicit, *(t) quo natura vergit, eo ducenda*, hæc sunt adeo famosa apud veteres Naturæ molimina, de quibus passim legitur apud antiquos Authores.



C A P U T S E X T U M.

Errorum Loci curatio.

§. XXXVII. Tandem ad ultimum venimus, scilicet curationem, solus scopus, quem Medici sagaces collineare debent, Errores Loci, dum seminia sunt aliorum morborum operæ pretium est illos mox sistere juxta illud.

Opprime, dum nova sunt subiti mala semina morbi,

Dum licet, in primo limine siste pedem.

§. XXXVIII. Dum autem a tam diversis ortum ducunt, lucularius patet varia requiri medicamenta eos auferre, imo contraria, quae non commodius, nisi secundum species errorum referri possunt.

§. XXXIX. Error igitur fluentium humoris sani, nihil aliud requirit, quam restituendus elater vasorum, & ut humor alienus in proprium meatum propellitur, hoc obtinetur.

æ. Si plethoricus est æger, venæ sectio commendanda est.

β. Si solidæ partes nimis debiles sunt, eas roborare per-
tonica roborantia, adstringentia & similia.

2. Im.

(t) Aphor. 21. sect. 1.

γ. Impetus, si auctus est per motum muscularem, vel animi pathemata, quies imperanda est, anima sedanda tam per rationes, quam per medicamenta sedativa dicta.

δ. Bili & urinæ, aberrantibus, dum dependent ab ictero & ischuria, medicamenta, quæ dictos morbos curant, exhibenda sunt, & sponte hi errores evanescent.

ε. Materiei morbosæ aberranti summopere conciliandum est exitum, vel ea derivanda in partem ignobilem; primum molitur Medicus per evacuantia, alterum per epispastica, vesicatoria &c.

§. XL. Sed si talis Error adeo pervenit, ut vasa jam impegerit, vera tunc adest obstructio, quæ tollenda. (u)

α. Impactum retroferendum, evacuandum liquorem impactum urgentem per magnam subitam venæ sectionem, quâ nixus contracti vasis retro agitur. Idem efficit frictio ab extremis vasis ad Basin.

β. Idem resolvendum diluentibus, attenuantibus, resolventibus, vel propellentibus ad loca debita.

γ. Vasa laxanda per laxantia, humectantia, & emollientia; si autem omnia incassum adhibita sunt, ea suppuranda.

δ. Obstructione resoluta ut error fluentium ea tractanda.

§. XLI. Errores secretorum fere ut errores fluentium sanantur dum easdem habent indicationes: sed magis huc spectant revulsio, adstringentium & opiatorum usus.

§. XLII. Tandem Errores effusorum sanantur sequentibus:

α. Humori stagnanti, & in interstis collecto, liber conciliandus fluor, dein exitus parandus per evacuantia, aut artem Chirurgicam.

β. Vasa debilitata roboranda, ne rursus dehiscant.

γ. Emphysemata aëris, per dissipationem, & discutientia auferenda; colicæ flatulentæ, carminantia ritè adhibita medelam adferunt.

§. XLIII. Hæc sunt, quæ paucis de cura Errorum loci tibi L. B. offerenda sunt, ex quibus pro libitu formulæ concinnari potest, si tibi allubescant, exulto; sin minus, consolor, satisfaciendo legibus Academicis me fecisse.

(u) idem Aphoris. §. 140. & seq.

T A N T U M

THESES.

I.

Causa proxima Errorum Loci semper in solidis querenda.

II.

Errores Loci quandoque Salutares sunt.

III.

Errores Loci Materiae nutritionis dari, statuo.

IV.

Perspirationem insensibilem, tempore hyberno, auctiorem esse, quam aestate, existimo.

V.

Istis principiis ratio menstruorum in feminis nititur.

VI.

Quibus horum quantitas imminuta in viraginibus, debetur.

VII.

E Contrario, in viris vite sedentariae deditis, fluxus haemorrhoidalis, intelligitur.